



Inatsisartunut ilaasortaq
Randi Vestergaard Evaldsen
Demokraatit

§ 37 naapertorlugu apeqquteqaammut 2017-265-imut akissut

24-01-2018

Suliaq nr.: 2017 - 27090

Dok. nr. 26869821

Asasara Randi

Apeqquteqaatinnut qujanaq. Apeqqutit tulluittuni akineqarput.

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

www.naalakkersuisut.gl

1. Naalakkersuisut qanoq iliorlutik akileraartartut minnerunngitsumillu Inatsisartunut ilaasortat paasitinniarpaat nassuiaallugillu atuinerup killeqarluinnarneranik kiisalu imaatigut kabelip sakkortussusaanut iluanaarutit killeqarluinnartut pillugit?

Akissut:

Imaatigut kabeli ajunaarutaasumik atorluarneqanngilluinnartoq naliliinerit isumaqatiginngilara. Imaatigut kabelimut aningaasaliinerup Kalaallit Nunaanni digitalimik ineriartortitsineq, ajornartussaagaluartoq, ajornarunnaarsippaa.

§ 37 naapertorlugu apeqquteqaammut 2017-227-imut akissuteqaammi oqaatigineqartutut, TELE-POST-ip oqaatigaa imaatigut kabelip 2009-imi atorneqalerneraniilli pisinnaasanik atuineq ukiumut agguaqatigiissillugu 50-60 %-inik annertusisimasoq. Atuineq taamaalilluni ukiuni 8-ni qaangiuttuni 30-eriaammik annertusisimavoq.

Tamanna iluatsitsilluarnertut isigaara.

a. Imaatigut kabelip sakkortussusaanik amingarluinnartumik atuineq nalunaarasuartaaseriveqarnerup unammillerfiunerulernissaata unitsikkallarneqarnissaanut siunnersuummut UKA2017/109-mut qanoq sunniuteqarnissaa naatsorsuutigineqarpa?

Akissut:

Soqanngilaq.

Nalunaarasuartaateqarnermut suliassaqarfimmi ammanerulersitsinissaq, Nalunaarasuartaatigut atassuteqarneq nalunaarasuartaatigullu kiffartuussinerit pillugit Inatsisartut inatsisaat nr. 31, 23. november 2017-imeersup (UKA2017/109) akuerineqarnerani, unitsinneqanngilaq.

Aalajangiineq taanna immikkoortoq 119-ip "2016-imi aasartinnagu Telepost A/S-imi piginnittuunermt periusissiamik ersarissumik Naalakkersuisut suliaqarnissaannik Inatsisartunut aalajangiiffisassatut siunnersuut. Piginnittuunermt periusissiasami tele-p iluani namminersortunngorsaanissami pilersaarutit naatsorsuutiginninnerillu ersarissumik allanneqarsimassapput. Tamatuma saniatigut ingerlassanut Telepost A/S-

mut toqqaannartumik imminut akilersinnaanngitsunut Telepost A/S-ip aningaasaliinissaanut qanoq naatsorsuutiginninnerit ersarissarneqarsimassapput, taakkunungalu səkabelip tallineqarnissaanut radiokædellu pitsanngorsarneqarnissaanut piset ilaapput”, akuerineqarnerani, 2016-imi upernaakkut ataatsimiinnermi Inatsisartut amerlanerussuteqangaatsiartut aalajangigaraat.

Immikkoortup akuerineqarnera Naalackersuisut tusaatissatut tiguaat, tamatuma kingorna tamanna nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. 31, 23. november 2017-imeersumi, 2017-imi Ukiaanerani ataatsimiinnermi Inatsisartut akuerisaanni, ilanngullugu allanneqarluni.

2. Naalackersuisut Tele Postip Kalaallit Nunaanni "qarasaasiakkut ineriartupiloorneraana" ilisarinnaavaat sualummik eqqarsaatigalugu imaatigut kabelip sakkortussusaanik mikilluinnaqqissaartumik atuisoqarnera?

Akissut:

Aap. Takuuk apeqqut 1-imut akissut.

a. Sukkut qanorlu nunani allani pisisartut imaatigut kabelip kalaallit nunaanni atuisuisuinut akornusiisinaanera Naalackersuisut takorloorpaat "qarasaasiatigut ineriartupiloornerasuup" assigiinnarmagu sakkortussutsimik tamakkiisumik 1 %-iinnarmik atuineq?

Akissut:

TELE-POST-ip sullitat nunani allaniittut sullinneqarnerannut atatillugu ingerlatsinikkut periarfissanik ingerlaavartumik nalilersuisartuq, Naalackersuisut tatigaat. Paasissutissiisutiginneqarsinnaavoq, pisinnaasat allassimasut tamaasa atorneqartussanngortinneqarnerat, imaatigut kabelip pilersinneqarneranut akiliutigineqartut annertoqataasa missaannik akeqartussaassasoq, TELE-POST naliliimmat. Taamaattumik sullitanut nunani allaniittunit pisinnaasanik tunisinermit isertitat, minnerpaamik atorneqartussanngortitsinermit aningaasartuutigineqartutut annertussuseqartariaqarput. Isertitat annikippallaarpata TELE-POST annaasaqassaaq, Kalaallit Nunaat tamaat isigalugu iluaqutaasumik annikinnerusumik pissarsiaqarnermik kinguneqartumik, imaluunniit aningaasartuutaanerusut taakkua Kalaallit Nunaanni sullitanit aaneqartariaqarnerannik kinguneqartumik.

3. § 37 tunngavigalugu apeqqummi 227-mi apqqutit sisamaannut tunngatillugu Naalackersuisut akipput periarfissat kingunerussallu misissorneqarnissaat pisariaqartussaasoq imaatigut kabelikkut attaveqaateqarneq Tele Postip piginnittuuneranit avissaartinneqassagaluarpat.

Naalackersuisut kissaatiginerlugu taamatut misissuisoqarnissaa aamma taamaattoqassappat kiammita misissuineq ingerlatissavaa aamma qaqugumita naatsorsuutigineqarsinnaava tamatumap Inatsisartunut saqqummiunneqarnissaa aamma tamanna UKA2017/109-p suliarineqarnissaanut qanormita sunniuteqassasoq naatsorsuutigineqarpa?

Akissut:

Naalackersuisut nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. 31, 23. november 2017-imeersup (UKA

2017/109) akuerineqarnerata kingorna taamatut misissueqqissaarnermik
aallartitsinissamik maannakkut pilersaaruteqanngillat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Erik Jensen